

Թեամբ այցելած է Ս. Յակոբ. իր Պատմութեան մէջ կը գրէ. «Եւ եղև ի գալն մեր յերուսաղէմ, յորժամ հասաք ի Հալէպ՝ պատահեցաք այս Սարգիս քահանային»։ Վերջինս ականավաճառ և լեզուազէտ հայ քահանայ մը ըլլալով՝ իր վասն ականց գրուածքը կը յանձնէ Առաքել վրդ. ի, որ կը կցէ զայն իր Պատմութեան՝ զոր գրած է Փիլիպպոս կթղի. հրամանով։ Դավրիժեցի Վախճանած է 1670 ին, ծեր հասակին մէջ և թաղուած Ս. Էջմիածնի գերեզմանատունը։

ԱՌԱՔԵԼ ՎՐԴ. ԷՏԻՐՆԷՅԻ, Մբ. — 1680 ին, Լս. Ս. Յակոբայ։

ԱՌԱՔԵԼ ՎՐԴ. ԼԻՎՈՌՆԻՈՅ, Մբ. — Աստուածատուր Պե., Ըստ Սիսականի (էջ 451) նամակ մը կը գրէ (1657 Մարտ 14) խօջայ Քթռեչենց Թէոդորոսի խնդրելու համար Լիվոռնիոյ հովիւ կամ նուիրակ Առաքել վրդ. ի հոգեբաժինը և կը յիշէ խօջայ Գրիգոր Բարերդցին. «Եւ նպատտ հայցելով յայլոց եւս վաճառականաց տեղւոյն. որպէս ամաւ յառաջ գրեալ էր. և առ խօջայ Աւագ»։

ԱՌԱՔԵԼ ՎՐԴ. ԿԷՕԼՊԱՇԵՅԻ, «ի նահանգէն Կոստանդինի», Մբ. — ՌձԻԲ (= 1673) ին Ս. Յակոբի մէջ ընդօրինակել կուտայ Նարեկացիին Աղօթաղիքը. հաւանաբար նոյն անձն է որ 1658 ին, Ս. Յակոբայ Մատ. ին կը յիշատակէ Ջեռ. Շարական մը (ՄՁ. թ. 227) հետեւեալ յիշատակարանու. «Այլ և ես Կօլպաշեցի լուսարար տէր Առաքելն կրկին ստացա զշարականոցս ի հալալ արդեանցս ի թվական հայկազուն սեփի Ռձէ (= 1658) ին, և եղի յիշատակ ի դուռն սբ. Յակոբայ»։ (Խապ. Յուզ. տետր ԺԸ. էջ 1403), վերի Աղօթաղքին չահեկան յիշատակարանն է հետեւեալը (ՄՁ. թ. 389)

«Ես Առաքելս Կօլպաշեցի,
 Ի նահանգէն Կոստանդինի
 Եռափափաք սիրով մեծի՝
 Դիմեալ յերկիրս Պաղեստինի,
 յերուսաղէմ սբ. քաղաքի,
 Ողորմութեամբ ամենակալի
 Տեառն մերոյ կենտրարի՝
 Եկեալ ի սբ. երկիրս հասի։
 Ի թվականի Հայոց մեծի,
 Ռձէ աւելի (= 1658)
 Կացեալ առ ոտս Սբ. Յակոբի՝